

Nunatta Qitornai

Inatsisartuni



15.oktober 2020

UKA2020/199

Kalaallit Nunaata Imermut Oqimaaloquttamut Isumaqaatigiissummut atatillugu Kalaallit Nunaata nunap immikkoortuatut tunuarsimaarfigineqarneranik Namminersorlutik Oqartussat atorunnaarsitsinissaat pillugu Inatsisartuniaalajangiiffigisassatut siunnersuut.

(Suliffeqarnermut, Ilisimatusarnermut Avatagiisinullu Naalakkersuisoq)

Aallarniutigalugu oqaatigissuarput naalakkersuisut saqqummiussaata ilassilluarparput taperserlugulu.

Issittumi nunaqartugut ukiuni kingullerni annertuumik unammilligassaqarpugut nunatut isummerfigalugillu iliuuseqarfigisariaqakkatsinnik.

Siullertut:

Silaannaap allanngoriartornerata kingunerisaanik issittumi imartarput annertunerujussuarmik avataaniitsunik angalaffiuleralluttuinnarpoq siunissamilu nunarsuarmi umiarsuakkut angalaffiulerperpaaffiit ilagiligassaattut inisseratarneranik oqarnissaq ingasattajaarnerunngilaq.

Aappaattut:

Uumassusillit issittumi uumasuijunngitsut avataaniit eqqussorneqartut peqqutigisaanik nunatsinni imaanik inuussutissarsiuteqarnerput uumasoaqatigiit oqimaqaatigiikkunnaariartorneranik pakkersi-maarisariaqarnermi suliniartariaqarnek pisariaqarpoq.

Umiarsuit imermut oqimaaloquttanut isumaqaatigiissut IMO-p ataani (International Maritime Organisation) malittarisassat Naalagaaffiit Peqatigiit nunarsuarmioqatigit akornanni imartanik illersuinissamik suliaqartut 2017 atuutilersippaat. Atuutilersinneqarnerani nunat tamalaat isumaqaatigiissummut peqataasut erseqqissunik malittarisassaqaalernikkut sinaakkuteqalernikkut imartamik uumasoaqatigiinnullu illersuinissamik periarfissippaat.

Umiarsuit oqimaaloqutaat nunani allani immiunneqarsimasoq nunatsinni imaajaanikkut uumassusillit allat eqqunneqarsinnaapput. Eqqunneqarnerisigut uumasoaqatigiivut innarleratarsinnaanerata pinngitsoortinniarlugu aammalu imartarput oqimaaloqutinut taarsiivittut pinngitsoortinniarlugu aammalu mingutsinnginniarlugu illersorumallugu naalakkersuisut saqqummiussaata ilassilluarparput inassutigalugulu avatangiisinut ataatsimiititaliamit aappassaaneerreqartinnagu suliarineqassasoq.